



- Strynefjellet landskapsverneområde
- Mysubytta landskapsvernombord
- Høydalen landskapsvernombord
- Mørkridsdalen landskapsvernombord
- Vigdalen landskapsvernombord
- Høyrokampen naturreservat

Lundadalen aktive beistelag v/Siv Andersbakken
Nørdre Dalain

2690 SKJÅK

SAKSBEHANDLAR: BJØRN DALEN

ARKIVKODE: 2014/1530 - 432.2 DATO: 25.07.2014

SAK - BREHEIMEN NASJONALPARK - OMLEGGING AV STIG I LUNDADALEN VED YTSTE RESET.

Vi viser til synfaring i Lundadalen den 5.6.2014.

Breheimen nasjonalparkstyre hadde møte 17.7.2014. I møte vart søknaden handsama.

Vedlagt dette brevet ligg sak nummer 20/2014 frå Breheimen nasjonalparkstyre. Vi viser til vedlagde sak.

Når det gjeld tiltak som skal utførast må det avklarast med grunneigar Lundadalen Heimrast.

Klage

Nasjonalparkstyret sitt vedtak er eit enkeltvedtak etter kap. VI i Lov om behandling i forvaltingssaker (forvaltningsloven) dagsett 17. desember 1967. I medhald av kap. VI i forvaltningslova er det klagerett på Nasjonalparkstyret sitt vedtak, jf. fvl. § 28 første ledd. Ei eventuell klage skal stilast til Klima- og miljødepartementet. Klagen skal sendes til Nasjonalparkstyret for Breheimen v/Fylkesmannen i Oppland, Postboks 987, 2626 Lillehammer, innan tre (3) veker etter at dette brevet er motteke, jf fvl. § 29 første ledd.

Med helsing

Rolv Kristen Øygard

Leiar i Breheimen nasjonalparkstyre

Kopi pr. e-post til:

Miljødirektoratet	Postboks 5672 Sluppen	7485	TRONDHEIM
Fylkesmannen i Oppland	Postboks 987	2626	LILLEHAMMER
Skjåk kommune		2690	Skjåk
Øyvind Angard			
Lundadalen Heimrast Lars Olav Lund	Lundavegen 261	2690	SKJÅK

Arkivsaksnr: 2014/1530-3

Sakshandsamar: Bjørn Dalen

Dato: 27.06.2014

Utval	Utvalssak	Møtedato
Breheimen nasjonalparkstyre	20/14	17.07.2014

Sak - Breheimen nasjonalpark - Omlegging av stig i Lundadalen ved Ytste Reset

Saksprotokoll i Breheimen nasjonalparkstyre - 17.07.2014

Vedtak

Breheimen nasjonalparkstyre vedtek, med heimel i § 3, pkt. 1.3 bokstav d i verneforskrift

dagsett 7. august 2009 for Breheimen nasjonalpark, å gje Lundadalen aktive beiteland, 2690 SKJÅK, løyve til å legge om stigen innover Lundadalen på ei kort strekning innanfor Ytste Reset. Vedtaket blir gjort med dispensasjon frå verneforskrifta § 3 pkt. 6.1 om forbod mot inngrep.

Vilkår

1. Stigen kan merkast etter den nye traseen.
2. Det kan setjast opp eit gjerde i både endar av det stigpartiet som skal leggjast med slik at dette blir avstengt. Gjerda kan vera på inntil 15 meter lengd kvar. Gjerdet skal takast ned og fjernast frå verneområdet når det ikkje lenger er behov for det.
3. Tiltaket må koordinerast med DNT Oslo Omegn.
4. Nasjonalparkforvaltar får i oppdrag å bestemme ny trase for omlegginga.
5. SNO v/ Øyvind Angard får i oppdrag å sjå til at arbeidet blir utført etter retningslinene frå styret/nasjonalparkforvaltar.

Dokument i saka:

- Søknad frå Lundadalen aktive beiteland v/Siv Andersbakken, dagsett 22.02.2014
- Referat frå synfaring i Lundadalen 05.06.2014.

Søknaden er vurdert i samsvar med:

1. Forskrift for Breheimen nasjonalpark, dagsett 7.august 2009.
2. Naturmangfaldlova, dagsett 19. juni 2009 nr.100.

Søknaden

I e-post datert 22. februar 2014 søker Lundadalen aktive beitlag om løyve til å gjennomføre diverse tiltak. Dette omfattar:

- Betre gjerde og stengsel ved Heimaste Lundadalsbrua.
- Utbetring av stig heimanfor Ytste Lundadalsbrua.
- Stengsel (grind) på Ytste Lundadalsbrua.
- Omlegging av stig innanfor Ytste Reset.


Verneforskrift og verneformål

Omsynet til verneverdiane i området er vurdert, særleg i forhold til landskap, dyreliv og friluftsliv, jf. verneforskrifta § 2 og naturmangfaldlova §§ 1(Formål), 4 og 5 (forvaltningsmål for naturtypar, økosystem og artar) samt § 7(prinsipp for å ta offentleg avgjerd), jf. § § 8-12 (kunnskapsgrunnlaget og miljørettslegeprinsipp). Formålet med Breheimen nasjonalpark

er å ta vare på eit stort, samanhengande og villmarksprega naturområde som inneholder særegne, representative økosystem og landskap utan tyngre inngrep. Etter verneforskrift for Breheimen nasjonalpark, er det forbod mot inngrep av alle slag, mellom anna oppføring av varige og mellombelte anlegg og innretningar(verneforskriftene § 3 pkt. 1.1), med unntak gjeve i pkt. 1.2 og 1.3. Tiltaket det her er søkt om vil omfatte omlegging av stig i nasjonalparken. Forvaltningsmyndet kan gje løyve til m.a:

"- oppsetting av skilt og merking av nye stiar og skiløyper i samsvar med retningsliner fastsette i forvaltningsplanen, jf § 5." (§ 3 pkt. 1.3 bokstav d i verneforskrifta for

Breheimen nasjonalpark).



Omlegging av stig ved Ytste Reset, Lundadalen

Vurdering

Under synfaringa vart det sett på fleire tiltak (sjå over) som er viktige for å kunne drive med beitedyr i Lundadalen, samt sikre ferdsla. Berre eit tiltaket er vurdert som søknadspliktig etter verneforskrift av for Breheimen nasjonalpark. Dette gjeld om legging av stig innanfor Ytste Reset. Her er det svært ustabile masser som delvis ligg på svaberg. Det har gått ras her som har skada stigen og ovafor stigen på ein strekning på 100meter er det sprekkar i jordmassane fleire stader som vil føre til fleire ras. Under synfaringa fann ein fram til ei grei omlegging forbi strekninga ovafor på ei hylle. Det er ikkje behov for serleg arbeid i grunnen . Stigen vil gå seg til sjølv, men det må sperrast av for stigen som er i dag slik at krøtter ikkje går den gamle stigen. Dette dreier seg om eit gjerde på opp mot 15 meter som blir midlertidig. Stigen må og merkast godt på staden.



Området som er prega av utrasing. Ny stig på ta opp heilt til høgre i bildet og gå inn på ei hylle vestover før den svingar ned på stigen att. Stengsel i form av gjerde må opp til høgre i bildet og der stigen svingar inn på eksisterande stig innanfor.

Tiltaket vil ha liten påverknad på økosystem totalt sett. Vegetasjonen består av sva og berg, einer, fjellkjerr, samt gras og forholdsvis rik flora av karplantar. Lokalt er dette området mellom Ytste Reset og Ytste Lundadalsseter av dei med svært høg bonitet. Fleire kalkrevjande planter finst etter stigen her m.a. Lapprose og Reinsrose. Dette kjem av innslag av fyllitt frå Jotundekket som her har sin nordre utlaupar.

Reinen brukar området om vinteren, men er ikkje observert her i sumarhalvåret. Det er få slike inngrep i Breheimen totalt sett. Ein vurderer det ikkje som aktuelt å bruke føre-var-prinsippet i denne saka. Omlegging av stigen krev ikkje store inngrep, men det på frakast inn materialar til gjerde for å stenge den gamle stigen midlertidig. Det er liten eller ingen fare for miljøskade, så dekning av kostnader i denne samanheng er ikkje aktuelt.

Etter nasjonalparkforvaltaren si vurdering kan tiltaket gjennomførast.